

ITLF BULLETIN

A Publication of ITLF Media & Publicity Department

VOLUME I/ISSUE NO 10

INDIGENOUS TRIBAL LEADERS' FORUM

THURSDAY 18 MAY 2023

May 17 Supreme Court order bawl

Zan 17 May 2023 in Supreme Court, New Delhi ah i gamsung buaina toh kisai Court hearing theihtuak hiai bang ahi.

1. Manipur State in gamsung buaina toh kisai a pan a lakdan status report tuamtuum pelut hi. Supreme Court in hearing om nawn ma status report thak pe ding in theisakna bawl hi.
2. Meitei ST demand toh kisai High Court in a paisa 27 March 2023 a abawl pen Manipur dinmun hoihlou ahih man in a thu ngaihtuahna di hun kum khat ding in suan uhi.
3. Manipur gamsung buaina toh kisai a sihna liamna leh van tamtak hihsiat toh kisai in writ petition tampi lut a, hiaite 17 July 2023 a ngaihtuah nawn ding in a hun suan in om hi.

Aizawl a nam heutute leh i MLate kimu uh

Zan in Aizawl Club ah Lamka akipan nam makaite toh i MLate leh Aizawl a Manipur lam tribe makai omte toh kimuhkhawmna nei uhi. Hiai hun ah nam heututen i MLA ten 'separate administration' thupukna a lak uh a paikhawm teng in kipahpih uhi. State government toh kihou lou himhim di chi a thupukna a lak uh leng kipahpih uhi.

Tua banah State government employee-te amau district chiat ua posting ding in vaisai ahih dan taklat in om hi. I gam buaina toh kisai a kuamah taise lou a i gam humbit dia pan lakhawm chiat ding in gen ua, stakeholders teng leh thautawite toh le kihou khawm din gen uhi. Tuni in Mizoram CM, MZP leh CYMA te heututen kimuhpih sawm uhi.

ITLF Relief Committee kiang a theisakna bawl ding in ngen

ITLF Relief Committee Convenor Pu Mangcha Thangzom in a genna ah i gam buaina toh kisai a relief nasep tuamtuum mimal, pawlpi hi leh saptuum ten a saite uh ITLF Relief Committee te theisak zel ding in ngetna bawl hi. ITLF Relief

committee ahih leh Lamka Medical College, Administrative Block, 1st Floor a tu uh hi.

ITLF heutute toh IG Intelligence kimu

Zan in Mini Secretariat, Tuibuong ah IG Intelligence makai K. Kabib in ITLF heutute kimuhpih hi. Hiai hun ah ITLF deparment tuamtuum Steering Committee, Legal Cell, Media Cell leh Women Wingte tel ua, district administrator lam ah DC, ADC, SP, SDO, CO 1st IRB tel uhi. Hiai hun ah Pu Kabib in a genpi pen ahih leh i district sung a guta latate pangkhawm a i etkai ua i district sung ua law & order i omsak meng ding uh ahi chi in ngetna bawl hi. Police in kholai a guta lata muh a neih uleh man ding uh ahih dan le gen hi. Hinna leh property na mansuahte uh a kinthei pen in FIR bawl un, khonung chiah hong phatuam ding ahi chi a, Police lam in le FIR bawl toh kisai ka hon kithuahpih ding uh chi uhi.

Relief toh kisai in zan in Security Forces te huaihot na nuai in Gas Cylinder truck bangzah hiam hon polut uh ahih dan gen uhi. Van pua truck hektu di civilian mi a omlouh ziaik in sepaihte mah in gari hon hek mai ahih dan uh leng gen uhi. Aizawl line a LPG Gas hon polut ding uh ahih man un, lampi kal ah kuamah in Gas pua gari ana subuai lou ding in le ngetna hon bawl uhi.

ITLF Women Wing bawlkhiak hita

Zan in ITLF heutu Pu Thangzamang Zou leh Pu Ginza Vualzong makaihna nuai in ITLF Women Wing Committee bawlkhiak in om hi.

ITLF Women Wing Chairperson ding in Vungzahoih, Vice Chairperson ding in Sharon Parmawi leh Lalkhumi hi ua, Secretary ding in Rose Hoinu leh Helam hi ua, Information Secretary ding in Julie Mawi, Chinngaihman, Donmuanlun te hi uhi.

Spokesperson ding in Rose Ngaihte, Advisor ding in Rebecca Hmar, Mary Jones Vung leh Rev Stephen Chinzathang hi ua, member ding in Tribal Women member teng hi uhi.

FIR BAWL KIN NGAI

Tutung i buaina ua si leh liam, biakinn kisuete, inn kisuete leh property kisuete FIR bawl teitei ding ahi. Lamka mun a omlou ten le na omna mun Police Station chiat uah 'zero FIR' bawl theih ahih man in, ana bawl chiat ding in i kitheisak ahi. Hiai toh kisai ITLF Legal Cell in hon makaih ding uh ahi.

ITLF Legal Cell Contact Persons:

George Munluah - 9862276484 | Nangzakai - 8119042400

ITLF Media Cell Contact Persons:

Ginza Vualzong - 8826532299 | Chris HL Simte - 9862149327 | Gracy Haokip - 9366709593

ITLF Finance akipan update

ITLF Finance Department akipan update akimuh dan in tutan sum hong lut zah ahih leh Rs 22,68,500 hi a, sum senna Rs 20,55,212 pha hi. Tu leh tu in khut a sum omzah Rs 2,13,288 pha hi.

HAC Chairman in Supreme Court a petition a piak zukkik

Meitei ST toh kisai tu malam a HAC in Supreme Court a petition ana piak pen May 7, 2023 ni in HAC Chairman Dinganglung Gangmei in kizukkikna lai Supreme Court ana pelut hi. Singtangmi cause a pang ngamlou HAC Chairman kineikha a poi mahmah hi.

Galtai lou dia ngetna

I gam mansuah di dinmun in i ding a, i inn leh lou halsak in i om ua, luang tampi i gam a din i chanta uhi. Hichi bang dinmun a ding i hih

man un i gam humbit i mohpuak ahi. Tu hun a i gam i taisan leh Meitei ten i gam hon suhsak ding ua, i gam tan di i hi. Huai ziaik in damlou gimlua ki-etkol ngaizen i hih kei leh kua mah i gam nuse lou a, i gam humbit ding in pang ni.

TUTAN MISI CONFIRMED THEIhte

No	Name	Morgue
1	Lalthansang	Lamka Morgue
2	Alex Jamkhomang Baite	Lamka Morgue
3	Zamkhogin Baite	Lamka Morgue
4	Kamkhogin Kipgen	Lamka Morgue
5	Kamlallian Vaiphei	Lamka Morgue
6	Chonkholen Haokip	Lamka Morgue
7	D. Haokholet Haokip	Lamka Morgue
8	Thenminlal Haokip	Lamka Morgue
9	Khaijamang Haokip	Lamka Morgue
10	Nianghoihching Simte	Lamka Morgue
11	Kimmalsawm	Lamka Morgue
12	Mawikhenmung	Lamka Morgue
13	Ginlalzui Gangte	Lamka Morgue
14	Jangpao Haokip	Lamka Morgue
15	Douthang Haokip	Lamka Morgue
16	Lalnikham Khawbung	Lamka Morgue
17	Lunkholal Haokip	Lamka Morgue
18	Thangkhanlal	Lamka Morgue
19	Gouzavung	RIMS Morgue
20	Goulalsang	RIMS Morgue
21	Paulalmuon	RIMS Morgue

Total Confirmed Dead: **21**
 Unconfirmed Dead: **50+**
 Injured: **195***
 Number of Churches Burnt: **222+**
 Number of villages burnt: **112+**

*Data from District Hospital

RELIEF SUPPORT

Office: 1st Floor, LMC Admin Block

Contacts:

Mangcha Thangzom – 8837368373 (Convenor)
 V. Gouthianmuan - 9862086583 (Co-Convenor)
 H. Sangpi - 8974782684 (Co-Convenor)

FINANCIAL SUPPORT

Office: 1st Floor, LMC Admin Block

ITLF Joint Bank Account:

Name: Henkhopao Haokip & N. Vialkhanthang
 Account No: 41912626404
 IFSC: SBIN0064016 | Bank: SBI Salbung Branch

ITLF Media Centers

- ✓ 1st Floor, PTC GHQ Office, Hiangtam Lamka
- ✓ 1st Floor, KIC Office, Tuibuong